



ჯანმრთელობის დაცვის და სოციალურ საკითხთა
კომისიის სხდომის ოქმი №6

23 იანვარი 2026 წელი

13:00 საათი

მ/წ 23 იანვარს ქ.თბილისის მუნიციპალიტეტის საკრებულოში ჩატარდა ჯანმრთელობის დაცვის და სოციალურ საკითხთა კომისიის სხდომა.

სხდომას ესწრებოდნენ ჯანმრთელობის დაცვის და სოციალურ საკითხთა კომისიის წევრები:

1. ბექა მიქაუტაძე;
2. შალვა ოგბანიძე;
3. ოთარ ჩრდილელი;
4. არჩილ ნიჟარაძე;
5. შალვა პერანიძე;
6. მიხეილ რეხვიაშვილი;
7. ქეთევან ჭავჭავანიძე;
8. ვახტანგ სურგულაძე.

მოწვეული პირები:

ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსი გელა ჩივიაშვილი.

სხდომის დღის წესრიგი:

„ქალაქ თბილისის მუნიციპალიტეტში პერსონალური ასისტენტის მომსახურებით უზრუნველყოფის ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 28 თებერვლის №52-16 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტი.



სხდომას თავმჯდომარეობდა ჯანმრთელობის დაცვის და სოციალურ საკითხთა კომისიის თავმჯდომარე ბექა მიქაუტაძე. სხდომის თავმჯდომარემ სხდომა გახსნილად გამოაცხადა, დამსწრე წევრებს წარუდგინა ჯანმრთელობის დაცვის და სოციალურ საკითხთა კომისიის სხდომის დღის წესრიგი და სიტყვა გადასცა ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის უფროსს გელა ჩივიანაშვილს, რომელმაც წარმოადგინა „ქალაქ თბილისის მუნიციპალიტეტში პერსონალური ასისტენტის მომსახურებით უზრუნველყოფის ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2025 წლის 28 თებერვლის №52-16 დადგენილებაში ცვლილების შეტანის შესახებ“ ქალაქ თბილისის მუნიციპალიტეტის საკრებულოს დადგენილების პროექტი, რომლის თანახმად რედაქციული ცვლილება შედის წესის მე-5 მუხლის პირველ პუნქტში. გამომდინარე იქიდან, რომ წესის მე-3 მუხლის „დ“ ქვეპუნქტით დეტალურად არის გაწერილი, ვინ შეიძლება მოიაზრობოდეს აღნიშნულ ქვეპროგრამაში „მიმწოდებლად“, წესის მე-5 მუხლის პირველი პუნქტის ჩანაწერი, იმის შესახებ, რომ მიმწოდებელი არის იურიდიული პირი (ორგანიზაცია), აღარ წარმოადგენს საჭიროებას, შესაბამისად ჩამოყალიბდება შემდეგნაირად: „1. მიმწოდებელი, განმახორციელებლის მიერ დამტკიცებული სარეგისტრაციო განაცხადით, უნდა ეთანხმებოდეს ვაუჩერის პირობებს და დადგენილი წესით, წერილობით უდასტურებდეს განმახორციელებელს ქვეპროგრამაში მონაწილეობის სურვილს.“

ცვლილება შედის ასევე, წესის მე-9 მუხლის მე-4 პუნქტშიც, რომლის მიხედვითაც, გაწეული მომსახურებისათვის თანხის მისაღებად მიმწოდებელი განმახორციელებელს წარუდგენს საანგარიშგებო დოკუმენტაციას ფაქტობრივად გაწეული საათობრივი მომსახურების შესახებ, საანგარიშგებო თვის მომდევნო თვის 8 რიცხვამდე. კერძოდ, ქვეპროგრამაში მიმწოდებლად ჩართული დაწესებულებები, ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურს საანგარიშგებო თვის მომდევნო თვის 8 რიცხვამდე წარუდგენენ შესრულებული სამუშაოს დამადასტურებელ დოკუმენტაციას.

თავის მხრივ, სამსახური საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2025 წლის 30 იანვრის №1/ზ ბრძანების მე-4 მუხლის მე-2 პუნქტის „ა“ ქვეპუნქტის საფუძველზე, არაუგვიანეს მომსახურების გაწევის მომდევნო თვის 10 რიცხვის ჩათვლით წარუდგენს სსიპ – სახელმწიფო ზრუნვისა და ტრეფიკინგის მსხვერპლთა, დაზარალებულთა დახმარების სააგენტოს მუნიციპალიტეტის უფლებამოსილი წარმომადგენლის მიერ ხელმოწერილ, დათარიღებულ და ბეჭდით დამოწმებულ დოკუმენტს, რომელშიც ასახულია ორგანიზაცი(ებ)ის მიერ მომსახურების მიღების თვეში შესაბამისი მომსახურებით სარგებლობის მონაცემები.

ამასთან, წესის მე-10 მუხლის მიხედვით, შესრულების კონტროლი ხორციელდება განმახორციელებლის პროგრამების მონიტორინგის განყოფილების მიერ, წინასწარ შერჩეული შემთხვევების ინსპექტირების გზით, სატელეფონო კომუნიკაციის ან საჭიროების შემთხვევაში ადგილზე ვიზიტის განხორციელების საშუალებით. შესაბამისად, მონიტორინგის განხორციელებისთვის საჭიროა გარკვეული პერიოდი, რაც ართულებს სამინისტროს მიერ დადგენილ ვადაში შესრულების კონტროლის შემდგომი შედეგების გადაგზავნას სსიპ –



სახელმწიფო ზრუნვისა და ტრეფიკინგის მსხვერპლთა, დაზარალებულთა დახმარების სააგენტოში.

ყოველივე ზემოაღნიშნულის გათვალისწინებით, მიზანშეწონილია მიმწოდებელთა მიერ საანგარიშგებო დოკუმენტაციის წარმოდგენა დასრულდეს საანგარიშგებო თვის მომდევნო თვის 5 რიცხვამდე, რათა ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის მონიტორინგის განყოფილებამ შეძლოს მონიტორინგის განხორციელება და სამსახურმა შეუფერხებლად უზრუნველყოს სსიპ – სახელმწიფო ზრუნვისა და ტრეფიკინგის მსხვერპლთა, დაზარალებულთა დახმარების სააგენტოსთვის შესაბამისი დოკუმენტაციის გადაგზავნა.

კომისიის თავმჯდომარემ ბექა მიქაუტაძემ სხდომის დღის წესრიგით გათვალისწინებული საკითხი კენჭისყრაზე დააყენა. აღნიშნულ საკითხს დამსწრე კომისიის წევრების სრულმა შემადგენლობამ დაუჭირა მხარი. (მომხრე - 8, თავი შეიკავა - 0 წინააღმდეგი - 0).

კომისიამ დაადგინა

პროექტები განხილულ იქნას საკრებულოს უახლოეს სხდომაზე ჯანმრთელობის დაცვის და სოციალურ საკითხთა კომისიის უმრავლესობის დადებითი რეკომენდაციით.

კომისიის სხდომა დახურულად გამოაცხადა.

ჯანმრთელობის დაცვის და სოციალურ
საკითხთა კომისიის თავმჯდომარე

ბექა მიქაუტაძე